



Inatsisartunut ilaasortaq

Pipaluk Lynge, Inuit Ataqatigiit

/Maani

## Svar på § 37-spørgsmål nr. 2-2024 vedr. plastik

Asasara Pipaluk Lynge

Inatsisartut Suleriaasianni § 37, imm. 1 naapertorlugu Naalakkersuisunut apeq-quteqaateqarputit. Naalakkersuisuniit apeqqutitit pillugit qutsavigaatsigit, taakku-lu matuma kinguliani issuarneqarput akissuteqarfigineqarlutillu.

### 1. Naalakkersuisut pilersaarpat pisiniarfinni tunisassiat microplastikki-tallit nunatsinnut eqquissorunnaarnissaannut?

**Akissut:** Naalakkersuisut plastikkilerinermi plastikkini atuinermik annikillisi-sinissamut iliuusissanut Naalakkersuisut pilersaarutaat tunngavigalugu sulipput. Iliuusissanut pilersaarummi suliassa qarfiit aallutassat arfiniliupput: 1) puussiat tigummiartaatit/puussiat plastikkit, 2) anartarfinnut puussiat, 3) plastikkini tunisassiat ataasiaannarluni atugassat, 4) plastikkit sequnneri, 5) aalisarnermik inuussutissarsiuteqarnermi plastikkit, aamma 6) paasititsiniaanerit.

Suliassa qarfinnit aallutassanit plastikkit sequnnerisa ataani allassimasutut, iliuu-sissanut pilersaarutip naqeqqaarnerani plastikkit sequnnerinut tunngatillugu suli-niuteqarfissat marluupput, tassalu pinneraatit eqqiaanermullu atortut. Tamanut ammasumik tusarniaasoqareernerani taakku ilannguteqqinneqanngillat, tuni-sassianik taamaattunik tikisitsinissamut immikkut ittunik piumasaqaateqarnissaq piviusorsiortuussasoq ilimagineqanngimmat. Taamaattumik Naalakkersuisut tuni-sassianik/nioqqutissianik plastikkit sequnnerinik akulinnik tikisitsisarnermik uni-tsitsinissamik pilersaaruteqanngillat.

### 2. Naalakkersuisut pilersaarpat pisiniarfinni tunisassiat eqqiaanermut salinnissamullu errorsinermullu atortut qalipaasersukkat tipigissakkal-lu nunatsinnut eqquissorunnaarnissaannut?

**Akissut:** Pisiassanik/nioqqutissanik qalipaasersukkanik, aamma eqqiaanermut, saliinermut errorsinermullu tipigissaatinik tikisitsisarnermik unitsitsinissamik Naalakkersuisut pilersaaruteqanngillat. Ataatsimut isigalugu Naalakkersuisut atuisunut tunisassianik avatangiisit pillugit nalunaaqtsersukkanik pisiniartarnis-samik inassuteqarput.

Brevdato: 23-01-2024  
Sagsnr.: 2024 - 1353  
Akt-id: 23812289

Postboks 1614  
3900 Nuuk  
Tlf.: (+299) 34 50 00  
Fax: (+299) 34 54 10  
E-mail: pan@nanoq.gl  
www.naalakkersuisut.gl

### 3. Naalackersuisut pilersaarpat plastikkinik puullit pappilissamik qillertuusanilluunniit puulinnik pisiassaareersut killilersimaalernissaannut?

**Akissut:** Naalackersuisut suliassaqarfimmut pilersaarutai plastikkinik atuineramik annikillisaanissamut iliuusissanut pilersaarutaanni allassimapput, aammattaaq tak. Naalackersuisut Eqqagassalerinermut Pilersaarutaanni 2020-2031-mi anguniakkat immikkoortuat 3, tassanilu allassimavoq, tikisitsisartut niuertarfiillu ataatsimut isigalugu poortuutunik atuisarneq pingaartumillu plastikkit pillugit oqaloqatigineqassat. Poortuutissat amerlassusiinik annikillisaanissaq (eqqagassanik pinggortitsinaveersaarnissaq) siunnerfigineqassaaq. Poortuutissanilli naleqqusaaneq nioqqutissat assartorneqartut igiinnarneqartartut amerlanerulernerinik kinguneqassanngilaq, tamanna poortuutinit sipaakkanit avatangiisinit pissarsiassat tammarnernik kinguneqartussaammat.

Tamatuma saniatigut taaneqarsinnaavoq, puussianik tigummiartaatinik plastikkinik aammalu plastikkinik tunisassianik ataasiaannagassanik atuneq pillugu Namminersorlutik Oqartussat nalunaarutaat nr. 23, 6. juli 2022-meersoq Naalackersuisut akuerisimammassuk. Nalunaarummi tunisassiat ataasiaannagassat, soorlu milluartaatit, vatpindit nerinermullu atugassat ataasiaannagassat inerteqqutigineqarput.

### 4. Suut plastikkinik eqqussuineranut attuumassutillit pilersaarusionerfigineqarpat?

**Akissut:** Apeqqut 3-mut akissut takuuk. Tamatuma saniatigut ataatsimut isigalugu Naalackersuisut plastikkinik atuineramik annikillititsiniarluni iliuusissanut pilersaarutaat aamma Eqqagassalerinermut Pilersaarut 2020-2031 innersuussutigineqarput.

Inussiarnersumik inuulluaqqusillunga

  
Kalistat Lund

# INUIT ATAQATIGIIT



12. Januar 2024

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

1. Naalakkersuisut pilersaarpap pisiniarfinni tunisassiat microplastikkitalit nunatsinnut eqqussorunnaarnissaannut?
2. Naalakkersuisut pilersaarpap pisiniarfinni tunisassiat eqqiaanermut salinnissamullu errorsinermullu atortut qalipaasersukkat tipigissakkallu nunatsinnut eqqussorunnaarnissaannut?
3. Naalakkersuisut pilersaarpap plastikkimik puullit pappilissamik qillertuusanilluunniit puulinnik pisiassaareersut killilersimaalarnissaannut?
4. Suut plastikkimik eqqussuinermit attuumassutilit pilersaaruserfigineqarpap?

(Inatsisartunut ilaasortaq Pipaluk Lyngø, Inuit Ataqatigiit)

## **Tungavilersuut:**

Nunatsinni imeq kuutsikkaangatsigu toqqaannaq immamut pisarpoq, uumasunut avatangiisitsinnullu peqqinnangittorujussuulluni.

Sermersuup aakkiartornera, immap sikuniaaluusaartarnera, avatangiisitsinnut inuuniarnitsinnullu ilisimasatsituut kingunerluutilik, sallerisaalluta sunniiviginiartariaqarparput, eqqussukkagullu suunersut uatsinnullu peqqinnangitsut nakkutiginerasigut, killilersimaartinnerasigullu.

Qaqorsaait uffaait assigisaallu inummut amerluutaasinnaasartut, peqqissutsimullu sunniutai ilisimareerlugit, killilersimaarsinnaasariaqarigut isumaqarama, paaserusukkakkillu Naalakkersuisut nunatsinnut eqqussukkagut qanoq pilersaaruserfigineraat, apeqqutinik imak ittunik anngussivunga.